

E prome dies graduadonan di Aruba di e estudio ABC-online di UoC Professional Master Papiamento, Spaño, Ingles y Hulandes

Recientemente, dia 27 di juli, durante e ceremonia oficial di graduacion na University of Curaçao, e prome 10 graduadonan di Aruba cu a sigui e estudio di Professional Master Papiamento, Spaño, Ingles y Hulandes cu Universidad di Corsou a ofrece via Blackboard Collaborate, a ricibi nan bul (diploma).

Ta prome biaha cu a ofrece e curso aki pa medio di Blackboard Collaborate na tres isla pareu esta Corsou, Boneiro y Aruba, danki na e cooperacion entre Instituto Pedagogico Aruba (IPA) y University of Curaçao (UoC). E studiantenan tabatin no solamente contacto cu nan docente na otro isla, sino tambe cu nan co-studiante.

Pa mantene un bon contacto cu e studiantenan, e docentenan tabata biaha na e dife-



Entrega di lista di punto durante e anochi di pregraduacion.

rente islanan un bes pa modulo. Un dato unico ta e hecho cu entre e graduadonan tin e prome masters di Papiamento na Aruba.

E graduadonan ta:

MEd. Papiamento: Ralph Croes, Swinda Arendsz, Cedrick Kelly, Cesar Kelly, Maureen Luidens y Zuleika Silva

MEd. Spaño: Willem Bant y

Melisha Maduro
MEd. Ingles: Endrah Gumbs
MEd. Hulandes: Ryma van der Linde

E graduadonan aki a caba nan estudio den tempo nominal, kier men den e dos añanan stipula y mayoria di nan "cu honor" cu ta nifica cu e promedio di nan puntonan ta 7.5 of mas.

Tabatin dos anochi di graduacion: dia 26 di juni tabatin



Nos graduadonan (cu bufanda blauw) na caminda pa ricibi nan bul di Master of Education, cu specialisacion Papiamento, Spaño, Ingles of Hulandes.

e pregraduacion pa entrega e lista di punto adkiri durante e estudio y pa duna e graduadonan atencion special; dia 27 tabata pa tur facultad di UoC pa anuncia oficialmente cu tin graduado Bachelor y Master nobo y pa entrega cada graduado e bul tan aspira.

Pronto lo tin mas graduado;

algun di nan ta probecha di e temporada di vakantie pa keda cla cu tur cos y gradua prome cu e aña academico nobo cuminsa. Nos ta desea nan hopi perseverancia y exito!

Nos ta manda un pabien grandi na tur e graduadonan. Nos ta desea nan hopi exito den e fase nobo aki di nan carrera. □